

Su cranu

Est su cranu...bella est s'istajone!
Ons'irde rama'e fossas est bestidu
onzi amenu campu fioridu,
cantat allegramente onzi pussone.

Su pastoreddu allegru est fattu s'ama
non lu idimus pius' incuguttadu,
s'ansone puru allegru e' diventadu
paschende s'alva e belonde sa maza.

S'iscolanu in su campu allegramente
giogat impare a sa margherittina
e i sa rosa da mesu s'ispina
est bessinde pomposa e sorridente.

S'abe in s'opera sua industriosa
s'imbruttad' de su poddine fidele,
da su fiore che sussat su mole
e lu giughet a dome premurose.

Curret attraessende onzi muntagna
sa vera abitadora 'e su desertu;
ca su cranu l'hat su coro fortu
desizant a fiancu sa cumpagna.

De sa palma ispalghinde s'est sa fracca
mentre s'olia est totta tremulada;
e tue giovanedda innamorada
anda a ti confessere, crasa est Pasca.

Pasca est passada...Gesusu cuntentu
est che a primu in terra caminende;
ses trigos sunu che mare undulende
si murvurende los besat su entu.

Su sonu 'e sa campana olet lontanu
dulche dulche perdindesi in s'asera;
est ons'anima pia in preghieras
est torradu su mese mariannu.

Bella est s'istajone: est su cranu.-

Tavolara

S'olfaneddu

Un'olfaneddu d'edade minore
de abrule unu die a tarda sera
bidet sa mama in su lettu doraida.

Isse fit bellu che unu fiore
però sa mama bianca de chera
fit già olada a s'attera vida.

Pro non bi la turbare anima mala
da s'inbrunire finca su mansanu
s'Ispiritu Divinu l'at bissada.

Batter anghelos la leana a pala
cun bonu modu e pianu pianu;
b'andat sa rughe e potada si l'ada.

A s'innosente chi non ischiada
chi fit morta sa mama sua cara
da oju non l'est lagrima falada.

Cun sa tia, ca babbu no haiada,
e ca sa mama sua li fit cara,
che l'ada a campusantu accumpagnada.

L'hat basada e a domo s'est torrada
lassende inie tale amadu oggettu
colcada in unu lettu 'e terra crua.

Curvintu in mente, in core rassegnadu,
narzonde a sa tia cun affettu,
chi doraid'est sa cara mama sua.

Tempus che passat...sa unu momentu
cuss'angheleddu s'est intesu male,
ca solu non podiat riposare.

In una notte de nie e de entu
gelada, de su mese de Nadale,
andat sa mama sua a ischidare.

Da su cancellu de su campusantu
la giasat: "Mama cara, cheiso a tie!
ischida, ca de t'idere appo brama!"

Ma sens'aer'risorsu e rimpiantu
su entu malu e i su firttu nie
l'hat doraidu a fiancu de sa mama.

Preghende sa Signora 'e su Rimediu

A sos pes tuos, Maria
afflitta e isconsolada
m'inbenuje riverente.

Mama cara, dulce e pia,
salva da ogni peccadu
de custu mundu sa sente.

Mai nisciunu hat intesu
ch'opperas abandonada
chie ricurrede a tie.

Su mundu e' d'odiu assosu
che vulcanu incendiadu
bettende lava onsi die.

Cent'anias caminende
sunu in istrintu caminu
e in mesu sas iaspinas!

Tue bi sias pensende
Mama 'e su Verbu Divinu,
e reina 'e sas reinas!

Tanta sente ancora bada
sutta s'inisigu assediu
chi tottu suffrini incue!

O Maria Immaculada,
Signora 'e su Rimediu,
dallis rimediu tue!

Centu nd'ada in ispidale,
in dome e infermeria
coros in pena e afflittos!

Salvalos da onsi males:
a s'incore maladia
manda assudes benedittos.

E si calchi governante
est pienu 'e odiu in terra
nieddu comente nero;

pensabi tue in s'istantes:
chi mai non fettat gherra!
Toccali tue su coro.

Cendo, in s'ultima agonia
appo a penare plus forte,
a sa omida 'e sa morte

accogli s'anima mia!